Francesco podestà et capitanio de Crema, preso retenir ut supra. Fu posto in camera de

208*

A dì 13. La terra, heri, de peste do, lochi novi, et tolto uno vilan morto sotto el portego de San Cassan, qual morì de fame et loro dicono de peste, et 6 de altro mal.

Vene l'orator del duca de Urbin, dicendo l'è venuto in questa terra l'orator de Mantova, et ha inteso vol preciederlo, pertanto desiderava, cussì come il Serenissimo havia terminato, il loco fusse suo, cussì se perseverasse aziò non seguisse qualche inconveniente, perchè lui vol el suo locho, per esser el suo signor duca, qual li comise non lo havendo non stesse più qui.

Il Serenissimo disse questa cosa tocava a decider al papa o a l'imperador. Lui rispose, l'imperator l'ha de(ci)sa, che ha ordinato un duca preciedi un marchese, et di questo ex nunc vol sia judichà da qual dotor iurista se voglia. Il Serenissimo disse: « a nui non toca terminar tal cossa. »

Vene poi l'orator de Mantoa, et prima etiam lui disse de haver el suo locho de sora l'orator del duca de Urbin.

Da poi disnar, fo Pregadi, per la causa de l'abatia de San Ziprian, et fo grandissima pioza zerca vesparo, durò poco ma harà fato grandissimo ben a le biave et a tutto quello è in campagna.

Et reduto el Pregadi, leto el Conseio, fo trovato, poi balotà, numero 125, zoè 3 de manco de l'altro zorno i quali sono sier Andrea Justinian procurator, sier Francesco di Prioli procurator, et sier Antonio Sanuto, qual è andato a Padoa. Et montato in renga per parlar sier Alvise Badoer avochato di Gradenigi, si vene sopra una diferentia se doveano, parlando a mezaruole, lezer le scriture con la mezaruola bassa, overo non, et fra li consieri era varie opinion, chi voleva basse chi alte, et le parte voleano basse; unde visto l'ora tarda, videlicet non era, ma per il tempo foscho pareva tardi, fo licentiato el Conseio senza far altro.

Da Roma, fo lettere di sier Gasparo Con-209 tarini orator nostro, di 6 et 9, venute a nona. In conclusion come il papa era varito, ma non voleva negotiar ancora. Et del partir del maestro de caxa del papa per Spagna, come nuntio del papa. Et sono lettere di Zenoa, di che Andrea Doria partiria con l'armata de galie 19 per Spagna a di 25 del presente, et che certissimo l'imperador vegnirà in Italia, et haverà 50 galle. Item, come erano lettere da Napoli, di 2, che l'impresa di Monopoli va difficile et se leveriano, havendo zà retrate l'artellarie. Item, manda una cosa a stampa molto grande, che fa el principe de Orangies come vicerè, et perdona a tutti i regnicoli etc., (la qual, potendo haverla, io la meterò qui avanti). Altre particularità scrive come difuse dirò qui sotto. Item, esser lettere da Lion, di missier Pomponio Triulzi, che l'imperador è rimasto d'acordo con il re di Portogallo suo eugnato di darli a Cesare ducati 350 milia etc., ut in litteris.

Item, sono lettere del ditto orator, drizate a li Cai di X.

Di campo da Pozuol, di sier Polo Nani proveditor zeneral, di 11. Come heri non scrisse. Et dimanda danari, formenti et guastadori, perchè quelli de Vicenza dicono è compito el loro tempo et non voleno più star, non hessendo pagati. Serive nostri haver preso 25 cavalli de sacomani de inimici. Item, el conte de Caiazo havia la febre. Et manda una lettera da Lodi, li ha scrito sier Gabriel Venier orator nostro, come monsignor di San Polo non havea passado Po, nè vol passar, se prima non si fa el consulto, et havia mandato li cavalli a Vegevano, el scritto al duca provedi alla custodia de Novara, unde soa excellentia mandava uno capitanio.

Da Roma, di 9, di Zuan Maria da la 209* Porta . . . , a l'orator del duca di Urbin. Di novo havemo quà che, per aviso da Genua, se intende a li 24 April esser arrivato in Barzelona el gran canzeliero de l'imperatore, dove di certo se expectava la persona de Sua Maestà, et che a li 15 de questo el Doria deve partire con 15 galle et 10 navi, non aspectando altro per la partita sua che l' arivata del maestro di casa di nostro signore, che partirà di quà questa sera o dimatina, et intendesi che la ditta maestà haveva pur ascoltato benignamente l'homo del re de Inghilterra, che li proponeva partiti sopra la pace, et pare ancho che'l ducha de Savoia se pigli cura de interporsi a questa pratica; et qual l'è detto che l'imperatore mena seco li figlioli del Christianissimo. Da Napoli, per lettere di 6, se intende che l'impresa de Monopoli si mostrava a li imperiali più dura, et pensavano di levare l'obsidione. Et per altre, pur de Napoli, se intendeva el numero de foraussiti et ribelli essere in più lochi tanto multiplicati che davano la bataglia a le terre et corevano insino apresso Napoli. Nostro signore mostra pur ogni di star meglio, non dà però ancor audientia. La legatione di Perugia fu deliberata al reverendissimo Medici.

Da Zenoa, di 8 di questo, in mercadanti.